

REGOLAMENT PE CONCESSION DI CONTRIBÛTS PES INIZIATIVIS SPORTIVIS E DAL TIMP LIBAR

Art. 1

Cjamp di aplicazion

1. Chest regolament al dissipline, daûr de L.R. dai 3 di Avrîl dal an 2003 n. 8 “Testo Unico in materia di sport e tempo libero/Test unic in materie di sport e di timp libar” articui 11 e 25 e de L.R. dai 27 di Novembar dal an 2006, n. 24, lis modalitâts di concession dai contribûts al davuelziment di iniziativis di promoziun di ativitâts sportivis e ricreativis.

Art. 2

Sogjets beneficiaris

1. A puedin beneficiâ dal contribût chescj sogjets: Comuns, di bessôi o in associazion fra lôr, Ents e Istituzions publichis e privadis, societâts e associazions sportivis e ricreativis in regule cence fins di vuadagn, Pro Loco e Consorziis fra lis Pro Loco.

Art. 3

Concesson dai contribûts

1. Lis domandis di concession dai contribûts che si fevele tal regolament a àn di rivâi a la Aministrazion provinciâl dentri dai 31 di Zenâr di ogni an cun ducj chescj documents:

- a) at costitutîf e Statût, dome tal câs che la Aministrazion provinciâl no ju vedi za, o version inzornade cu lis modifichis, se a ‘ndi è stadis,
- b) dome pai Ents Publics: at formâl dal orghin deliberant che al autorize l’inviamet de domande,
- c) relazion ilustrative des iniziativis in program,
- d) preventîf di spese in detai .

2. Se lis domandis a viazin a mieç di racomandade, il timbri de pueste al garantîs il rispjet des scjadencis. Baste che la racomandade e rivi dentri dai cuindis dîs dopo de date de scjadence dai tiermins. Se l’interessât al puarte la letare a man, o le mande cul corîr, il rispjet de date di scjadence lu prove il timbri di acetazion dal protocol de Aministrazion provinciâl.

3. Lis domandis che a rivin fûr dal tiermin no vegnin consideradis.

4. Tal câs che la documentazion no sedî complete, la Provincie e domandarà lis integrazions te Comunicazion di inviamet dal procediment aministratîf. Il tiermin dal procediment al reste sospindût fin che no vegnin presentâts i ats integratîfs domandâts. Se chescj no rivin dentri di 30 dîs dopo che de domande, il procediment si siere cun esit negatîf.

Art. 4

Tipologjiis di intervent ametudis a contribût

1. A son ametudis a contribût lis domandis relativis a iniziativis di interès soregut provinciâl.

2. A son consideradis di interès soregut provinciâl:

- lis manifestazions e lis iniziativis dulà che i partecipants a rivin dal teritori de provincie o di fûr dal comun,
- lis manifestazions e lis iniziativis ordenariis che a ricorin te provincie,
- lis ativitâts e lis iniziativis pensadis soregut pal teritori provinciâl o sorecomunâl dulà che si davuelzin.

3. Lis domandis pes manifestazions di caratar nazonâl o internazonâl a son di competence de Regjon Autonome Friûl Vignesie Julie- Servizi des Ativitâts ricreativis e sportivis.

4. A son di interès soregut locâl, e duncje lis domandis relativis a van presentadis tai Comuns, lis iniziativis che a son inlidrisadis par tradizion tal teritori comunâl o indreçadis soregut a chel teritori.

Art. 5

Obietîfs programatics

1. A son obietîfs programatics:

- a) lis manifestazions sportivis e i cors di formazion e di inzornament di tecnicos, di dirigjents e di atletis,
- b) lis iniziativis di informazion, educazion e promovion a un bon esercizi des ativitâts fisichis e motoris, ancje a mieç di studis, di ricercjjs, di cunvignis e di publicazions in teme di sport e di timp libar e lis iniziativis di informazion dai dams che a derivin dal ûs di sostancis dopants,
- c) lis ativitâts promovionâls, di interès turistic e culturâl che a rivuardin il sport,
- d) lis ativitâts e lis manifestazions che a rivuardin il timp libar.

Art. 6

Direzions e criteris

1. I contribûts a van assegnâts prin di dut:

- a) a pro di sogjets che a àn sede e/o che a inmaneîn manifestazions tal teritori de Provincie di Pordenon,
- b) aes iniziativis che, par frecuece di davuelziment e par nomee, a àn plui public te Comunitât e un alt contignût di promovion,
- c) aes iniziativis che cul lôr contignût a rispuindin ai obietîfs programatics dal Ent. Duncje la Aministrazion e varà di evità di dispierdi lis risorsis cul dâ contribûts di pôc valôr; di concentrâlis pitost tes iniziativis plui impuartantis (al è ben cjapâ in considerazion lis manifestazions che a regjistrin, in sede di prevision, une spese no plui basse di € 3.000,00); di graduâ la concession dai contribûts daûr di une classificazion des iniziativis in trê categoriis, secont la impuartance e la valence che ur da la Comission provinciâl competente, come che al ven specificât chi sot:

Fasse A. Iniziativis impuartantis a nivel provinciâl, sportîf e ricreatîf: plui di € 2.500,00 di contribût

Fasse B. Iniziativis mancûl impuartantis di chês de fase A, ancje in relazion a la spese che si pues ameti a contribût: fra € 500,00 e € 2.500,00

Fasse C. Iniziativis di pocje spese e mancûl impuartantis ancjemò a nivel sportîf e ricreatîf: contribût fin a € 500,00;

- d) se no son motîfs di interès pe Provincie (convezion o coedizion dal event), aes manifestazions che no gjoldin za di contribûts regjonâi significatîfs, a mieç di leçs di setôr,
- e) te suaze des manifestazions sportivis, a societâts e a associazions sportivis iscritis tes Federazions sportivis o tai Ents di promovion sportive;
- f) aes manifestazions sportivis inmaneadis di ents o di societâts che a mostrin di davuelzi une ativitât di promovion antidoping significative;
- g) aes iniziativis di promovion e di valorizazion de pratiche dal sport destinadis ai zovins che a van ancjemò a scuele;
- h) aes iniziativis sportivis che a promovin il disvilup de pratiche sportive feminîl;
- i) aes iniziativis che a promovin la ativitât motorie sportive indreçade a fassis di etât particolârs o che a contribuissin a la integrazion des situazions di malstâ, cun atenzion soregut ai sogjets inabii.

2. La sempliç presentazion de domande no da drit a vê i incentîfs, nancje in presince dai requisîts sogjetîfs e ogjetîfs prescrits.

Art. 7
Spesis ametudis a contribût

1. A son chês spesis che si fasin par realizâ la iniziative, come:
 - b) coscj des trasfiertis,
 - c) compens pai docents,
 - d) spesis di organizazion,
 - e) spesis par cors di inzornament e di formazion,
 - f) afit di implants e coscj pal alestiment des sedis de iniziative,
 - g) spesis par assicurazions e par tassis di paiâ aes federazions e aes organizazions sportivis,
 - h) acuist di premiazions, di medais e di trofeus,
 - i) nauli di mieçs di traspuart e implants,
 - j) stampe di invîts e di locandinis par fâi reclam a la iniziative,
 - k) spesis pe assistance sanitarie,
 - l) coscj pal affidament di incarics par studis e ricercjis, spesis pe stampe e pe difusion,
 - m) spesis di rapresentance, fin al limit dal 10%.
2. A restin fûr dutis chês spesis par interès passîfs o sorevignincis passivis, lis spesis pal funzionament de sede (lûs, aghe e gas), lis spesis pes iscrizions ai campionâts.
3. L'incentîf nol pues passâ il 70% de spese ametude a contribût.

Art. 8
Erogazion e rindicontazion dal contribût

1. I sogjets beneficiaris, drenti di 30 dîs dal riceviment de Comunicazion di concession dal contribût, a àn di presentâ il modul di acetazion ben compilât.
2. I beneficiaris dal contribût a àn di dimostrâ cemût che lu dopraran drenti dal mêis di Març dal an dopo di chel che al è stât erogât. Il legâl rapresentant al presente e al è responsabil dal bilanç consuntîf de iniziative, al relazione in struc su cemût che e je lade la iniziative e al fâs une liste analitiche des justificazions di spese (faturis, notulis, ricevudis, e altri) fin che al rive al totâl dal contribût vût.
3. I beneficiaris dal contribût a varan di presentâ, cul rindicont economic, i materiâi promoziônai produsûts pes iniziativis realizadis. Cheste documentazion e varà di ripuartâ la scrite “realizât cul contribût/ cul sosten de Provincie di Pordenon”.
4. I beneficiaris a àn di dî, in sede di rindicont, se a àn za vûts altris contribûts publics simpri pe stesse iniziative. La some dai contribûts no à di passâ i coscj che pardabon i son restâts di paiâ a so caric al beneficiari.

Art. 9
Revoche dal contribût

1. Il contribût al ven revocât e, se al è za stât erogât, domandât indaûr ta chescj câs:
 - a) se no ven presentade dute la documentazion sore domandade,
 - b) se la iniziative no ven inviade (fûr che tai câs di fuarce maiôr).
2. La revoche e compuarte ancje la esclusion dal contribût pai trê agns seguitîfs.

Art. 10
Acuardis pes iniziativis sportivis e dal timp libar

1. La Aministrazion Provinciâl e pues promovî, par so cont o in coedizion cun altri sogjets, la realizazion di iniziativis sportivis e dal timp libar, che a puartin a la valorizazion dal teritori provinciâl.
2. La realizazion des iniziativis e je regolade di acuardis fats di pueste par disciplinâ i rapuarts cu la Aministrazion Provinciâl, individuâ i obietfs dai interventis, specificâ i compits di organizazion e di gjestion, cuantificâ la partecipazion finanziarie de Provincie. La stipule di chescj acuardis e ven fate tal rispiet dai regolaments provinciâi e des normis di setôr.

Art. 11

Jentrade in vore

1. Chest Regolament al jentre in vore a partî de date che la deliberazion dal Consei e devente esecutive.
2. Par ce che chi nol è proviodût, a valin lis disposizions di leç in vore in materie.